

समां - 12:25 hrs.

Shah –NGC Meeting

केन्द्री गृहमंत्री अमित शाह होर अज्ज हरियाणा दे फरीदाबाद च लोआई जा रदी क्षेत्रीय परिषद दी बैठक दी प्रधानता करा रदे न। इस बैठक च जम्मू-कश्मीर दे उपराज्यपाल मनोज सिन्हा ते मुख्मन्त्री उमर अब्दुल्ला हुंदे इलावा पंजाब-हरियाणा ते हिमाचल प्रदेश दे मुख्मन्त्रियें दे इलावा जम्मू-कश्मीर- लद्दाख ते दिल्ली दे उपराज्यपालें ते चंडीगढ़ दे प्रशासक बी हिस्सा लै रदे न। परिषद दी इस 32मीं बैठक च राज्य सरकारें बश्कार तालमेल बनाने- पानी दी बंड सरबन्धी मुद्दें सनें विकास परियोजनाएं पर चर्चा कीती जा रदी ऐ।

<><><><><><>

LG- Policemen

उपराज्यपाल मनोज सिन्हा होरें आखेया जे जम्मू-कश्मीर पुलसै दी बहादुरी- सम्पूर्ण भाव ते अपनी ड्यूटी गी अंजाम दिंदे मौके पूरी चाल्ली पेशेवराना राँ इखतेयार करियै कम्म करना इक सराहने आली गल्ल ऐ। उनें आखेया जे पुलसै दिवें इनें खासियतें दी वजह कन्नै मुख्म भरै च योजना बद्ध तरीके- आतंकी हमले करने दी आतंकवादियें दी इक बड्डी ते खतरनाक साजश गी नाकाम कीता जाई सकेया ऐ।

<><><><><><>

NIA- Arrest

राष्ट्री जांच एजेंसी (एन.आई.ए) नै लाल किला कार धमाके दे मामले च दिल्ली थमां आमिर रशीद अली नां दे इक कश्मीरी बसनीक गी गिरफ्तार कीता ऐ। एजेंसी मुजब आमिर रशीद नै कथित तौर पर आत्मघाती हमलावर उमर नबी कन्नै रलियै इस आतंकी हमले गी अंजाब देने दी साजिश रची ही- जेदे च 10 बेदोसे लोकें दी जान चली गई ही- कोई 25 होर जखमी होई गे हे। एन.आई.ए नै आखेया ऐ जे धमाके च इस्तेमाल कीती गेदी कार आमिर दे नां पर पंजीकृत ही ते उमर नबी दी इक होर गड्डी गी फोरेंसिक जांच लेई जब्त करी लैता गया ऐ। एजेंसी नै अजें तगर 73 गवाहें कोला पुच्छ-गिच्छ कीती ऐ- जिंदे च धमाके च घायल होए दे लोक बी शामिल न ते इस बड्डी साजिश दा पर्दाफाश करने ते होर मते संदिग्धें दा पता लाने आस्तै एन.आई.ए कैई राज्यें च पुलस बलें कन्नै नेडमा तालमेल बनाइयै कम्म करा रदी ऐ।

<><><><><><>

Jitender -K.V. Ramban

प्रधानमंत्री हुंदे दफ्तरै च राज्यमंत्री डाक्टर जितेन्द्र सिंह होरें विद्यार्थियें ते अध्यापकें गी जोर देइयै आखेया ओ जे ओ शिक्षा ते तकनीकी प्रोत्साहन दे कन्नो-कन्नी मोदी सरकार आसेया शुरु कीती गेदियें विशेष स्कीमें दा पूरा-पूरा फैयदा ठोआन तां जे शुरु च गै बच्चें अंदर नमियें काहडें बक्खी दिलचस्पी वधै ते ओ आपू अपनी सोच-समझ ते समर्था मुजब कम्म करने लेई स्टार्ट-अप शुरु करने दे काबल बनी सकन। कल कठुआ जिले दे रामकोट इलाके च हाल च मजूर होए दे केन्द्री विद्यालय दे पैहले शैक्षणिक सत्र दा उदघाटन करने मौके डाक्टर जितेन्द्र सिंह होरें आखेया जे इनें कोशशें दा मकसद बच्चें दियें छमताएं दा शूरु च गै पता लाइयै उनेंगी भविक्ख लेई तयार करना ऐ। उनें 10 कोला लेइयै 17एं बरे तोड़ी दी उम्मी आहले बच्चें दे माता-पितें गी आखेया जे ओ INSPIRE-MANAK जनेई स्कीमें तैहत थ्होने आहली ग्रांट ते वजीफे दा फैयदा ठोआने लेई अगगे औन।

<><><><><><>

Intl Conference Bharderwah

हिमालयाई क्षेत्रें च क्रायओ-स्फीयर च बदलाव बारे त्री दंडु रोजा कांफ्रेंस कल जम्मू युनिवर्सिटी दे भद्रवाह कैम्पस च शुरु होई- जेहदे च भारत दे इलावा रुस ते जापान थमां आए दे साईसदान- माहिर ते निति निधारक हिस्सा लै करदे

ना। इस सम्मेलन दा मुंडला मकसद हिमालयाई क्षेत्रें च आवा करदे मौसमी ते पर्यावरण सरबंधि बदलाव-पर्यावरण ते लोकें दे जीवन पर पौने आहले असर बारे जानना ते एहदा विशलेषण करना ऐ।



Rajouri Half Marathon

औंदी 23 नवम्बर 2025 गी राजौरी पुलस आसेया हाफ मैराथन दा आयोजन कीता जा रदा ऐ-जेदा विषय –सार ऐ “एकता लेई हर गैह- नशीलें पदार्थें खलाफ हर मील” । इस कार्यक्रम दा मकसद समुदायिक सदभाव गी बढ़ावा देना ते खास तौर उप्पर नौजवानें च नशीले पदार्थें दे गलत इस्तेमाल बारे जागरुकता पैदा करना ऐ। अधिकारियें दा आखना ऐ जे इस मैराथन च बक्ख-बक्ख श्रेणियें च प्रतिभागी हिस्सा लेई सकदे ना। एहदे लेई सेहत ते सुरक्षा दे उचित उपा बी कीते जागंन। पुलस मैहकमे गी मेद ऐ जे इस कार्यक्रम कन्नै नां छडा तंदरुस्ती गी बढ़ावा थोग- सगुआं नशीलें पदार्थें खलाफ इक मजबूत समाजी सनेहे दे कन्नै पूरे जिले च एकता गी बी बढ़ावा थोग।



JMC Green Colony

जम्मू- नगर निगम दे कमीशनर डाक्टर देवांश यादव होरें कल छत्री-हिम्मत च वार्ड नम्बर 50 दा निरीक्षण दौरा कीता ते उत्थूं दे बसनीकें गी आखेया जे ओ ग्रीन कालोनी आहली पैहल च बधी-चढियै हिस्सा लैन। एवर ग्रीन पार्क एसोसिएशन दे मिम्बरें कन्नै गल्लबात करदे होई देवांश यादव होरें सैनिक कालोनी च इस कार्यक्रम दी कामयाबी दा जिक्र कीता ते लोकें गी आखेया जे पर्यावरण दे संरक्षण लेई ओ कुदरत दे अनुकूल गतिविधियें गी अपनान ते बढ़ावा देन जियां जे बाग-बगीचे दी रैद-खेंद कन्नै हैल त्यार करना- गिल्लै ते सुक्के कचरे गी बखरा-बखरा रखना ते मोमी लिफाफे दा इस्तेमाल घट्ट करना तां जे पर्यावरण गी साफ-सुथरा रखेया जाई सकै। उनें आखेया जे जम्मू गी हरा-भरा-खुशगवार ते प्रदूषण मुक्त बनाने लेई लोकें दा सहोयग बड़ा जरुरी ऐ। उनें इलाके च स्वच्छता सेवाएं दा बी निरीक्षण कीता ते निगम दे कर्मचारियें गी इलाके च स्वच्छता ते कचरा प्रबंधन जकीनी बनान।



Ramban Handicraft

रामबन च दस्तकारी ते हथखड्डी विभाग कारखानादार योजना जनेही पैहलकदमियें राएं रिवायती दस्तकारियें च परतियै नमें सिरेया जान भरने ते स्वरोजगार गी बढ़ावा देने लेई कम्म करा रदा ऐ। जिले च सत्त सिखलाई केन्द्र न जिंदे च बक्ख-बक्ख दस्तकारियें बारे सिखलाई दिती जंदी ऐ- जिंदे च बेरोजगार नौजवानें- खासकरियै महिलायें पर खास तौर पर ध्यान दिता जंदा ऐ।

